

Savez izviđača u Bosni i Hercegovini  
Savez izviđača Federacije BiH  
Savez izviđača grada Zenica



Odred izviđača Lisac  
Odred izviđača Smet  
Odred izviđača Zmajevac



# U SUSRET PROLJEĆU 2025.

izviđačko takmičenje za mlađe izviđače i planinke

Zenica, 12. 04. 2025.



## O našem gradu

Zenica, administrativno sjedište Zeničko-dobojskog kantona, leži u centralnom dijelu Bosne i Hercegovine, baš kao zjenica oka, po čemu je, neki kažu, i dobila svoje lijepo i toplo ime. U posljednjih 100 godina je simbol ovog pitomog grada postala crna metalurgija i Željezara, u njenoj prelijepoj kotlini izgrađen je čelični grad poput oličenja novog industrijskog svijeta. Ipak, u dušama Zeničana se zadržao vijekovima prenošeni osjećaj za ljepotu i tradiciju, koji zajedno s poslovičnim humorom i prirodnom vedrinom čini ove ljude zanimljivim sagovornicima i gostoljubivim domaćinima. Zenica je danas univerzitetski centar, grad muzike i teatra, sporta i mnogo čega još. Zenica se danas i pored crne metalurgije smatra eko gradom i gradom prelijepih i velikih parkova. Zenica broji oko 140 000 stanovnika.



## U susret proljeću

Izviđačko takmičenje »U susret proljeću« se već 20 godina uspješno održava u našem gradu. Sjaj ovog srećnog jubileja dodatno uvećava još jedan poštovanja i zahvalnosti vrijedan jubilej – 12. aprila slavimo Dan oslobođenja Zenice, 80 godina od pobjede nad fašističkim okupatorom u Drugom svjetskom ratu! Taj praznik nas podsjeća na svjetlost slobode koji nam je u zalog ostavljen i koji smo u časnoj obavezi da njegujemo, čuvamo i prenosimo dalje. Jedan od načina da to ostvarimo su i ovi naši već tradionalni susreti izviđača u Zenici tokom kojih se družimo, takmičimo u zdravom izviđačkom duhu, njegujemo već ostvarena prijateljstva, ali i upoznajemo nove drugare i sklapamo nova prijateljstva.

Savez izviđača grada Zenica vas poziva da zajedno, svojim osmjesima i znanjem pokažemo čvrstu volju da uradimo onoliko koliko možemo da osnažimo društvo, a i da prirodi vratimo ono što nam ona tako svesrdno pruža. I naravno, da se u svemu tome dobro zabavimo!

**Pomozimo proljeću da zasja u punom sjaju i raskoši!**

**Dobro nam došli!**



## Satnica takmičenja

Jedna od karakteristika izviđaštva je disciplina i red, te stoga molimo sve ekipe da se pridržavaju sljedeće satnice:

12. 04. 2025. (subota)

<b>do 9:45</b>	Dolazak ekipa na takmičenje
<b>10:00 - 10:15</b>	Svečana ceremonija otvaranja takmičenja
<b>10:15 - 10:45</b>	Prijava ekipa
<b>10:45</b>	Početak takmičenja
<b>16:00</b>	Završetak takmičenja
<b>18:00 - 18:30</b>	Svečana ceremonija zatvaranja i proglašenje pobjednika

Organizator zadržava pravo promjene satnice ako iz objektivnih razloga za to bude potrebe.

Dolazak ekipa za takmičenje je predviđeno na Trgu Alije Izetbegovića (robna kuća Bosanka) najdalje do 9:45.



## Ishrana

Organizator takmičenja je obezbjedio jedan obrok (sendvič, sok, slatkiš) koji će biti uručen članovima ekipa u toku prijave.

Pratioci ekipa takođe imaju obezbjeđen jedan obrok.



## Štab takmičenja

Starješina takmičenja: Edin Šarić

Načelnik takmičenja: Emir Serdarević

Načelnik za kontrolore: Ajla Mujezinović

Predsjednik takmičarske komisije: Dragan Ivanković

Medicinsko osoblje: Haris Delić



## Sastav ekipe

Na takmičenju mogu učestvovati ekipe mlađih izviđača čiji su članovi uzrasta od 11 do 15 godina, podrazumijeva se da mogu učestvovati i članovi koji u godini održavanja pune 11 ili su već napunili 15 godina. Starost takmičara se potvrđuje izviđačkom knjižicom.

Ekipe je mješovitog sastava od minimalno 4 člana prema propozicijama za takmičenje SI FBiH.



## Takmičarske discipline

1. Predzadatak
2. Konstrukcija staze
3. Pronalazak KS u prirodi
4. Test izviđačkih znanja
5. Test iz oblasti prva pomoć
6. Test o gradu Zenici
7. Signalizacija (semafor)
8. Skica KS
9. Zaobiđi prepreke i ucrtaj put ili Kretanje po azimutu
10. Prva pomoć
11. Čvorologija

### **1. Predzadatak**

Svaka ekipa dužna je da donese amblem odreda i jedan cvijet koji će položiti na spomenik "Papirna".

### **2. Konstrukcija staze**

Ekipe će na printanom isječku topografske karte razmjera 1:25000 na osnovu zadanih podataka odrediti kontrolne tačke.

### **3. Pronalazak KS u prirodi**

Ekipe je dužna da dođe na sve KS u punom sastavu, po brojčanom redosljedu KS, od najnižeg broja prema najvišem.

### **4. Test izviđačkih znanja**

Ekipe će dobiti test koji sadrži 5 pitanja iz programa za kategoriju mlađi izviđači i planinke.

## 5. Test iz oblasti prve pomoći

Ekipe će dobiti test iz prve pomoći koji sadrži 5 pitanja iz oblasti prve pomoći.

## 6. Test o gradu Zenica

Tokom staze ekipa će na razne načine (usmeno, audio, video, zapažanjem) dobivati informacija o gradu Zenica. Na nekoj kontrolnoj će putem testa prenijeti stečeno znanje.

## 7. Signalizacija

Ekipe su dužne da u roku od 90 sekundi prenesu 30 slova isključivo semaforom.

## 8. Skica KS

Skica KS predstavlja jednostavan i pregledan crtež određenog terena izrađen slobodnom rukom u približnom razmjeru s označavanjem sjevera i topografskim elementima.

## 9. Zaobiđi prepreke i ucrtaj put

Na određenom terenu kompletna ekipa samostalno prolazi put od jasno označenog ulaza, između jasno označenih prepreke do takođe označenog izlaza. Na osnovu izmjerenih azimuta i dužina nacrtati itinerer u zadanom razmjeru.

## 10. Prva pomoć

Ekipa znanje iz prve pomoći demonstrira praktično.

## 11. Čvorologija

Kako bi učesnicima bilo zanimljivije i inovativnije, ovu kontrolnu ćemo ostaviti kao iznenađenje. Dovoljno je da učesnici znaju osnovne čvorove (ambulantni, mrtvi, skraćivaljka, ribarski, vrzina petlja)



### Lična oprema:

- Izviđačka košulja ili odredska majica sa amblemima
- Obuća za duže pešačenje,
- Posuda za vodu, najmanje 0,5 l
- Izviđačka marama
- Izviđačka knjižica
- Zdravstvena knjižica
- Kišna kabanica
- Ispravna baterijska lampa

### Kolektivna oprema:

- komplet za pružanje prve pomoći
- najmanje 1 kompas/busola
- par signalnih zastavica,
- pištaljka
- pribor za crtanje i pisanje
- jedan mobilni telefon
- 2 markera (fluorescentni prsluci žute boje sa reflektivnim trakama ili fluorescente trake za oko pojasa)
- 2 ruksaka



## Napomena

Svi učesnici takmičenja i gosti dužni su pridržavati se izviđačkih zakona i paziti na disciplinu, jer u slučaju neprimjerenog ponašanja učesnika ekipi će se oduzeti određeni broj bodova, a postoji i mogućnost diskvalifikacije od strane organizatora.



## Prijava

Odredi mogu prijaviti najviše 2 ekipe.

Prijave se vrše isključivo preko prijavnih listova koji su sastavni dio ovih propozicija.



## Nagrada

Organizator je za sve ekipe obezbjedio diplome za učešće, za prvoplasirane ekipe pehare, a za pobjedničku ekipu i vrijednu nagradu.



## Prijava

Prijave slati na e-mail adresu: **[sigze@sigze.org](mailto:sigze@sigze.org)**

Kontakt: **Emir Serdarević 060 312 2002**

Rok prijave: Prijave dostaviti najkasnije do 07.04.2025. zaključno sa 16:00h.

Blagovremena prijava se boduje sa 50 bodova.